

KARBALA' I

DIWAN

V. 2

ديوان

صين الكر بلائي

نابغته الأديب الكشعبي العراقي

الجزء الثاني

جمع وتحقيق

سليمان هادي الطمحي


منشورات

مكتبة الزهراء

كربلاء - الجمهورية العراقية

١٣٨٣ هـ - ١٩٦٤ م

مطبعة الآداب - النجف - تلفون ٨٩٨



al-Karbala'i, Husayn

Diwān...

ديوان

صين الكر بلائي

نايغتر الادب الكشعبي العراقي

الجزء الثاني

جمع وتحقيق

سيان هادي الطمحي

منشورات

مكتبة الزهراء

كربلاء - الجمهورية العراقية

١٣٨٣ هـ - ١٩٦٤ م

2271

.5083

.0259

.1959

v.2

الطبعة الأولى

حقوق الطبع محفوظة للناسخ

١٣٨٣ هـ - ١٩٦٤ م


الاهراء

الى سلمى . . . وحسين
برعمي الحب العذري الطاهر وزهرتي الأَدب الشعبي
الفواحتين بأرج الحب والنبيل والتضحية . . .
ارفع هذا المجهود

سلمان هادي الطعمة

3-17-69

1945



مقدمة

بقلم : سلمان هادي الطعمة

كان لأصدار الجزء الأول من ديوان نابغة الأدب الشعبي العراقي (حسين الكربولاني) صدى بعيداً في الأوساط الشعبية ، وقد لمست تشجيعاً من لدن اخواني هواة هذا اللون من الأدب ، فاستمرت على جمع ما انتجه شاعرنا من افواه المعمرين في كربلاء ، الذين طاصروا الشاعر وحفظوا له الكثير من « الأبوذيات » . فكانت حصيلة هذا المجهود الجزء الثاني - الذي بين يدي القارئ الكريم - .

وقد استطعت الحصول على انتاج لا بأس به ، مما حفزني على اصدار هذه المجموعة الجديدة .

وكذلك عثرت على معلومات قيمة لم تذكر في الجزء الأول . ولنرض ايضاح جوانب غامضة من حياة شاعرنا ،

أود عرضها وتبيانها هنا خدمة لتراثنا الشعبي عامة .

وهي :

١ - لقد درس الشاعر مبادئ الفحو العربي دراسة عميقة ،
وبعد ان اكمل الأجرومية ، اخذ - المعني - على معاصره
الشيخ كاظم ابوزان الذي مازال حياً يرزق ، متذكراً تلك
الأيام الرائعة .

٢ - ان الشاعر قضى شطراً كبيراً من حياته في مدينة
(الشطرة) حيث هاجر والده - علي - اليها للاكتساب ، وقد
توفي والده ومازال شاعرنا لم يشب عن الطوق ، فتزوجت
والدته ثانية من رجل من (آل بريطم) وهي عائلة كربلائية
كان من بينها شاعر مغمور هو - يوسف بريطم - .

٣ - حدثنا اكثر من واحد من الذين عاصروه بأن الشاعر
كان جذاباً ، جميل المحيا ، فتان المنظر ، حسن القوام ،
يملب لب رائيه . وفوق كل ذلك كان رقيق الصوت ينشد
الشعر بمذوبة . لهذا كان زهرة أصحابه ومفخرة جلسائه

وكان من بينهم الملاك الأديب - السيد قاسم الرشتي - وساند
الروضة العباسية - السيد مرتضى آل ضياء الدين - صاحب
المشاريع المهمة النافعة للمدينة .

وأخيراً أقدم بشكري الجزيل لمن أزرني في اخراج هذا
الجزء ، اخص بالذكر منهم الحاج حمزة الجويد والشاعر
الشعبي الكبير الشيخ عبد الكريم الكربلائي - ابو محفوظ -
وعبد الزهرة معة ، أملاً اصدار الجزء الثالث من ديوان
الشاعر ، وراجياً من القراء الاعزاء وهواة الشعر الشعبي
مساعدتي بابداء ملاحظاتهم وانتقاداتهم فيما ورد من ابيات
في هذا الجزء من ديوان شاعرنا الكربلائي . والله من
وراء القصد

كربلاء : سلمان هادي آل طعمة

مهلك الذهب يدعج (١) مهلاك
زغير ولا أظن هذا مهلاك
هله وميت هله جيت المهلاك
ولك اهلا وسهلا خوش جيه

* * *

ذولي ما سبك سابج ولا تال
ولا طارش لفة منهم ولا تال
ملك مالي ابشطرتكم ولا تال
الملك لو چلن جموده عليه

* * *

عزيز اعلى النواهي ماسلني
يودني يا صاحب ما سلني
حلفت الهن يا صاحب ما سلني
بصورة بره وما صد گن بيه

(١) الفتى في مطلع شبابه

مسلم داخل المذهب وملكاي
عليج أتلغ مواشبي وملكاي
واخذيلج شخص عابد وملكاي
عبد مملوك بس الدين اليه

* * *

دنيف امتيمك ما يوم بسم
ومسجيني يساهي العين بسم (١)
من اودادك غديت انلظم بسم
أبد سم الخياط يضيگ ييه

* * *

فنه الكاب يسلاهم وهيله
واچسح كل رمل هادي وهيله
عسي طاعون للمركز وهيله

(١) ويقرأ هكذا أيضاً :

معدني يجلو الطول بسم

عین چیمین نعوا ولنی علیه

* * *

حیبی آنا صلک وانت صلی
وانا صلی الأعدای وانت صلی
صلاتک ما تفیدک وانت صلی
اعمالک فأسده بمفناک الیه

* * *

وحگ سورة بره ویاسین وضحی
وظلاسم کاتبه الوریچین وضحی
اصوم الها رجب وفتار وضحی
نذر لو چلن جمودک علیه

* * *

وحگ سورة بره ویاسین ولیه
واظل اسأل علیک الراح والیه
حیبی اللی لڑمت اعلیک ولیه

واعلمك بالجرح منك عليه (١)

* * *

وحك سورة بره وياسين والذر
وسيف اجفالك بالدلال والذر
امن اموتن واحترگ وانسحن وذر
ما اترك هواك يمن عليه

* * *

وحك سورة بره وياسين ونسه
وآنا الجنة للخوات ونسه
عمت عيني امن ابطل ابچاي ولسه
الأبيض من يجدرونه عليه

* * *

(١) ويقراً ايضاً :

وحك ربي لظمت عليك ولبه
اخبر بالصدر مني عليه

من البلور اگص حسبك ونسباك
طول الليل مسهرني ونسباك
لون تحصل اشيلنك ونسباك
الديره المسابها ابن آدم خليه

* * *

من مثلي انسگم عاليض وتعب
وعليه تنگد المخلوك وتعب
ولا نسمة بردنه تشيل وتعب
تشيل الثوب طيه حدر طيه

* * *

غرير الفصل المرجان شذري
وعلى صدره بنينه اگباب شذري
ترى زلفك يا حلو الطول شذري
تنام زييد كلها حدر فيه

* * *

يا بو مشحوف ميل الصدر جدمه
كبل ما ينكل المدلول جدمه
أصير لمن شو يحيي (١) براس جدمه
بلكي يصير موردهن عليه

* * *

أودم فرهدوا عكلي وجازوا
بعيد ولا ذكر طيبي وجازوا
اتظن اهل الهوى ملوا وجازوا
وأنا بعد الهوى حاكم عليه

* * *

غريس الفصل المرجان بنصاف
وعلى صدره يلوگ الرخت (٢) بنصاف
حلاة الجذب يا عشاگ بنصاف

(١) يراد به زورق صغير .

(٢) القلادة .

هباب الزلف للوجنات فيه

* * *

بديت أنه وعلي الشوك باداي
وهله بمعذب الخللخال باداي
ان چان انت حكيم استاد باداي
دوك جروح گلي او جرن ييه

* * *

يهالتنسل جمودك حيل يرها
وحچي الغالب على المغلوب يرها
روحي اشعره اجه المجنون يرها
لو عا جل يخليها رخييه

* * *

يناهي من المعاتب بمد بسني
وحدنه وياك روس النهدي بسني
كتلني يا خلك من ضحك بسني

گلب اسود وعنده غير نيه

* * *

قبلته عند الصباح فقال لي افطرت يا هذا ونحن صيام

سل الدكتور عن حالي وعن داي

وحتى البلبله دارس وعن داي

جاوبت الهلال انتـه وعن داي

من اشوف هلال صوم احرم عليه

* * *

كا لعيس في البيداء يقتلها الظما

والماء فوق ظهورها محمول

روحي بيش اسليها كتلها

عليك آنه ودمع عيني كتلها

شبه العيس بالبيده كتلها

ضمه ودوم التحمل الماي هيه

* * *

بها التمشي خفيف الجدم تنعاد
اخلصت روحي وبعد هيات تنعاد
وحكك ليلة شهر رمضان تنعاد
بألف - انتة والف ليله عليه

* * *

يا محرقاً بالنار وجه محبه مهلا فان مدامى تطفيه
احرق بها جسدي وكل جوارحي

واحذر علي قلبي لأنك فيه

شبه حرز المظلم وانتة بيها
لا تحرك مهجتي وانتة بيها
أخاف عليك موخوفي على

* * *

يا صاحب عند ابوديگان (١) چنه
حلوا اطباع لكن بيك چنه

(١) الرجل المهذب .

من يلبس بياض البدر چنه
ومن يلبس سواد ايمم عليه

* * *

طلع بيگ النواهي دلع ياهيل
وبس انتہ عليك الگب ياهيل
صرت عصفور حکمي بيد ياهيل
أرى موتى وهو يضحك عليه

*
* *

كعصفورة في كف طفل يهينها

تذوق مرار الموت والطفل يلعب

بده وابدی الحلبب من جبينه
وبده عملاس خده من جبينه
الگمر يطلع «يساير» من جبينه
الشمس من ضوه خده اطلعت هيه

* *
*

الك يا مادليلي جذب وناث
وعغيبك ما طرب للعود وناث
لون تدري عليك شكتر وناث
انخشم گلبك وگمت تحن عليه

*

* *

ترف لجل الغوه چفين حنيت
وضلوعي حنوة الباسور حنيت
مثل ام الحوار عليه حنيت
نفل چيه ما يحن گلبك عليه

*

*

دوه خلخال ابو گذيله ودوالي
عليل وشمتم خديدك دوالي
عجب توصف دوه انت ودوالي
يا ظالم ما تخاف من الخطيه

*

* *

دفعك دمعي على الوجنه ولا شف
على الحمد نذر مثله ولا شف
حببي شلون اله مبسم وله شف
من اشمه التي الاله بلا تقيه
* *

على الفرغه يادمع العين يرون
وبس انت عليك الكلب يرون
الك ركبته رهيفه خدود يرون
من اشمهن ما يظل الألم ييه
* *

اريد اگعد بلب الصدر والصم
واشمك والزم النهدين بالصم
يعيني اشغيرك رمضان بالصم
رهيف انت ومالك قابليه
* *

ابوسع زاگور صارت علي بيداي
وگلي من حجتي العذال بيداي
الجدح لو مالزمته وحصل بيداي
وما أروى وحكك سيد البريه



شدهوه مخف يابو طبعه من اجناس
ريض نشترى منك من اجناس
اكو مخفي حدر ثوبك من اجناس
شذر وگباب ومن الشكر ميه



يابو المشحوف ميل الصدر دنه
بساگه لايگك الخللخال دنه
بلدکم وین یا محبوب دنه
نبي نضيفك يابو زلف العذيه



وحكك الي سعه بمشاه بالليل
وبگيت ابجي وانوح نهار بالليل
شبه مجنون ليلى صرت بالليل
وبعد ما اندل صباح ولا مسيه

* *

*

يناهي ابرشف خذك من عداها
شلي وياك يدعج من عداها
نوبه ائذين احماك من عداها
أسويها فراگك البرطليه

*

* *

راح الطرب عن عيني ولا دام
ولا نوح البچه مثلي ولا دام
ولا هم من دمع عيني ولا دام
يلجمها وتكت نيران بيه

* *

*

بها التنسل جمودك ظفر لوسيف
جبيني بس عليك الكلب يوسف
انا يعقوب وانت صرت يوسف
خلفت البچه والنوح اليه

* * *

أون وادري ونفني ماله تالي
أساجي وعيب يفرع ماله تالي
صحيح المساله اول ماله تالي
يخون بصاحبه وذاته رديه

* * *

لأن الورد يذبل عند لمس واذ يحمر مهما قبلوه
اهلا يانسيم الروض يلماس
وعلى الشبهو خديد الترف يلماس
الورد يذبل يصاحب حين يلماس
وانا اشمها اقبله حجر ميه

دخل على « سلمى » فرآها تمشط شعرها ، وانشد
هذا البيت :

إحي هدتّ وهنه نادن الها
العبجل والخضيره نادن الها (١)
عشره هذن وعشره نادن الها
غدن شبكه والمساطر سويه

* * *

هله ياللي وجنته لاله بيها
من مي الكوائر لاله بيها
لفانه اللاله بينا ولاله بيها
وخلاها الجدي وانا ثريه

* * *

دعته احدى صديقاته في بستان ، فانشد قائلا :

مشينه بأرض علكايه وسله

(١) العبجل والخضيره : روائح عطرية

ودادك فتفت گليبي وسله
جزنه من العقب ونريد سله
چتلنه يالكريم اشلون بيه

* * *

لعت لك ما لعت لمي ولي
الخمسه رگصن الجبدي ولي
صرت ما بين نهدينه ولي
السعه مشكور والله غفر ليه

* * *

موش آنا الحجل دگك بالحجل دن
خزرنى وموت الرجلين من دن
وراسك ما نهم العسر ودن
نهمن بالدلع تكبيل عليه

* * *

ترف يازارع الشام وي وي

ولك مشعل بلب حشاي وي وي
زرگته من انهيده وصاح وي وي
بيت اهلي تمد ايدك عليه

* * *

حبيبي الرعد ينعالك من اهلك
دوم اظل اباريلك من اهلك
عرفت الصوج مومنك من اهلك
بسبب چيه يمنعونك عليه

* * *

حبيبي ما يچد السير ينحاش
ومن وجدك حبيبي الورد ينحاش
تذيت الورد لمن گام ينحاش
اجابي المستريح ايگول ليه

* * *

كل ليسله يمر الروض ينباع

وكل مصباح دمع العين ينباع
حسافه تدر عالفحام ينباع
ايعدم ويصير باحوال الرديه

* * *

هله بالظمن واهل الظمن والشاة
ولا تقبل حچي المنام بالشاة
انت الأوليت الذيب والشاة
ذنب منك وليفش تلوم ييه

* * *

بمد اشلون اباريلك ولاحظ
ايبتك لا بخت عندك ولاحظ
لابن (٠٠٠) يدك دگتک ولاحظ
تم ونخرب اصحابي عليه

* * *

وحگ الخالگ الجمه وسمامات

من همکم غدیت آنی وسمامات
نجی لو شرب الروحی سممامات
اموت وشتتمت یا صاح ییه

* * *

یحادی گوم سرینی علی مغیب
امسرت ولحدت من اهلك علی مغیب
طلعت كالشمس وامست علی مغیب
اسگطت بحجابها واطلمت ییه

* * *

علی سیف اللحظ یدعج تسله
وروحی بنار هجرانچ تسله
تگول الخلک یمسودن تسله
شاون اسله الولف لو عن علیه

* * *

زمنم ظمن حی بالسویده

وغده گلي عليهم بالسويده
حبيبي راقب الله بالسويده
ولا تعكم حكم فرعون بيه

* * *

جدامي من همت بهواك باريت
اودك وانت للمذال باريت
انا لأجلك كثير عيون باريت
ما ادري اهربوا من يا ثفيه

* * *

جرح الكلب خزن ولك وطره
وعيني ما خذت بالنوم وطره
يوم اليعن ذكرك علي وطره
غدت شمس الضحى ظامه عليه

* * *

يمر ذكرك علي كل حين وطره

وسفه ماگضيفه وياك وطره
أفرع يا حبيبي الشجر وطره
وأنا خافور كلي انقطع ميسه

* * *

الهوم يفرهد بمكلي وانا حامي
خمد نيران ههب وانا حامي
بيسه الكوم تطرد وانا حامي
ردت المنع نحررتي السريسه

* * *

وحكك من صاح بالكوفه وسهله
هموي لاتظن خفن وسهله
حبيبي هله بها المكبل وسهله
ابكثر ما خفن جدامك عليه

* * *

يعاذل لا تمذل الولمني

خل عذلك لفسيري ولعني
هذي الن جهلن ولعني
اشما العب وياهن رضى ييه

* * *

وحك النبي واصحابه ولاجه
الدمع ما كلأس بعيني ولاجه
عمن الفجر لا جهجر ولاجه
بسبب حبي سرأك من بين ايديه

* * *

نون وعين بي والميم ولها (١)
بحسنه وظلت المخلوك ولها
من يوسف النور انثر ولها
وعلى بدره يزور القاط ميه

* * *

(١) المقصود بهذه الحروف نديمته « نعيمه »

بغير شداد الوح العيس وحدي
وأحن واطرب على فرگاك وحدي
ألو نادى المنادى گمت وحدي
انا ميت الهوى والطرِب ليه

* *

*
يگم بهواج كود الله يسلمه
والج طوع الأمر جیده يسلمه
ارحمي بحال المتيم يسلمه
وردي اسهامج الترشك مفیه

*

* *

الماذل مادره بروحي شبيها
تشب ناري ولا يبطل شبيها
البدر لوضيعت وافي شبيها
اشما يشرگك يمن ذچره عليه

* *

*

علامه الدهر حاربته علامه
أون وگالت الوادم علامه
عدنه من الهوى يدعج علامه
من اشوفنك غيار يصير بيه

*
* *

وحكك اللي نجى من الحوت يونس
عدل طوله كلامه شلون يونس
نكف نوجب ياحلو الطول يونس
بأمل لو نكطم الظنه القويه

*
* *

يناهي لاتخف الجدم برضه
طولك خيزرانه نبت برضه
مرحى لا تمش عالارض برضه
جبل لاتحرك وتخلق وطيه

*
* *

عجزت من كثر عدل الروح ونها
للعشر يظل وياك ونها
أسائل (ام سالم) (١) ليش ونها
تون ونه طرب لو عن دعيه



سبايح الضمير التون ولون
وگلي مثل لون الياس ولون
انا اللي أجدت النوح والون
ومني تاخذه الوادم شجيه



نجفل من دوي حجه وراوي
بلغ بدروك نهدينه وراوي
اريد آخذ عكس منه وراوي
واگل للمخلک هذا العمل بيه

(١) طير يعرف بهذا الاسم .

هلاهل يا دمع عيني هلاهل
يا صايغ صوغ لأم كذله هلاهل
حلاة العرس بي صفگه وهلاهل
وانا عرسي حزن والنوح اليه

* * *

اون ماون طير البياييك
عسك ياللي متعالي البياييك
خي عونك بمن تغمض بياييك
تنام او تصبح ارياگك منيه

* * *

مرض للروح من ولفاي شبهه
وناره بالحشا وياي شبهه
وليفي شآصفه خديده وشبهه
على بدر التمام ايزيد ضيّه

* * *

أدردم مثل حادي الزمل بلواي
وانا خافور گلبي ذبل بلواي
بس ايوب مبلي مثل بلواي
هذاك النبي وانا الفخر ليه

* * *

عفاني اشلون الى مهجة ولي روح
اداوي جروح دلالي ولي روح
انا ما بحال من ييگه واليروح
بحالك يالكطعت الوصل بيه
قال في رثاء آل البيت :

عسها من تضيج عليك تسعه (١)
وعبنك على دروب الخير تسعه
دخلتك عالثنين وبمد تسعه
والدم علي حامي الحمية

(١) تتوسع .

الناس نحوم عالميشه ونكره
وطحت ابدرس ابوطبعه ونكره
زمانى بير حافرلى ونكره
عذرني وتاه المحشم عليه

* *

انا ممنون لجل الترف لومر
يسده سم سگاني عذب لومر
حيه من الناس ادير الوجه لومر
ألوج وعلتي بگلي خفيه

* *

امر بالدار بس الصدى يقباي
جفوني من جفام سکن يقباي
سقيم وعلتي ما بين يقباي
طحت واهل الهوى يطلبون يسه

* *

لجل عينك كطمت اليد وعداي
وطحت بمرض مرض ابوب وعداي
اخبرك يا حبيبي كرب وعداي
البكه ابراسك هواك العمل بيه

*

* *

اعلمه الرماية كل يوم فلما اشتد ساعده رماني

ابھوى قيس ابتليت وعلي حته

سقيم ولا برالي عظم حته

أعلمه على الرمه والنبل حته

يصير ويرمي باول سهم بيه

* *

*

حواجبنا تقضي الحوائى بيننا

فنحن سكوت والهوى يتكلم

علام الترف نمانه مردنه

ابھواه سكوت كل اخنه مردنه

الحواجب بين مفرگهن مردنه
بسّ اللسن تتكلم خفيه

* *
أحبائي لو غير الحمام أصابكم

عتبت ولكن ما على الموت معتب

تمالوا گلبوا جروحي دهاكم
الگلب ما لوم يجباي دهاكم
اعتبت لو ما عمام لي دهاكم
ولكن لا عتاب على النبيه

• • •

ترف شامه بوجنتك چنه بها
وجيپنك للملاحه چنه بها
ارض جانت محمله چنه بها
اشلون ارحل وهي صارت زهيه

• • •

خفك طيري على الصيدات ونهد
شدر ما بين وجناتك ونهد
چم مسجون گبلي انسجن ونهد
وانا بسجنگ يا ابو فعال الرديه

○ ○ ○

وقال عندما ترك الشطره .

عيوني من البواجي ملح صفن
سبع رماح حدر الضلع صفن
أنا الهجيت گالوا راح صفن
وانا الظليت غله تصير ييه

○ ○ ○

أحب كل طيب وذاته سليمه
گصت راس دلالي سليمه
يا ربي لا تذكرني بسليمه
انا امن اذكر سليمه تروط ييه

ونيني وحدّي يشكر شهبك
وعني شو يمنعونك شهبك
البدرهم يدعي بنفسه شهبك
اشتبه اين الثرى واين الثريه

• • •

ويروى هكذا ايضاً :

المالم مادره بعلي شبيهه
تشب وتنظفي ناري شبيهه
البدرهم يدعي بنفسه شبيهه
اشتبه اين الثرى واين الثريه

• • •

لا تحسبوا اين سلوتك مطرباً

والدمع دم والفؤاد لهيب
ترف من كثر نوحى اعليك سليت
بس أنه من الهجران سليت

انا لا تحسبوني بطرب ملية
الدمع دم والحزن واجب عليه

• • •

لا تحسبوا ان رقصي في الهوى طرباً

والطير يرقص مذبوحاً من الألم

صرت دكتور للعشاك مستر

وانت اللي فضحني هواك مستر

انا لا تحسبوني ضحكت مستر

مثل الطير يرفس عالوطيسه

• • •

يهالتمشي خفيف الجدم وانه

عزيز وخلفت بالكلب وانه (١)

انت تنام ليك رغد وانه

على جمر الغضا ناري سريه

(١) الأنين .

ذلولي ما يجد السير يخله
ولا كليلي من الحسابات يخله
آنا اللي الي بالشام يخله
لا اظمن ولا اكصها بيديه

* * *

انشدك عالجكاره بتخيم لولف
وبس انت عليك الدهر لولف
شلون الذيب ويا الريم لولف
اجذب كال من كعدو سويه

* * *

حن حنه دليل الميط (١) وجن
نيران بسواد حشاي وجن
على الماله وصف بالانس والجن
لا يبعد ولا يگرّب عليه

(١) نوع من الشجر .

فلا فعدن على الطريق واشتكى
واقول مظلوما وانت ظلمتني
بره المسكوم من علتہ وناداي
بہجرک حارک الیابس وناداي
براس اربع طرق لگعد وناداي
انا المظلوم وانت اگطعت بيه

* * *

وحگ الا نزل القرآن منشاف
ودمعي فوگ عالی الوجن منشاف
آنا الی صحت یحصین منشاف
أخایل بالنجم غصبن علیه

* * *

اظل ارعی نجوم الليل بس ما (١)
والیناذر یهل الدمع بس ما (٢)

(١) السماء . (٢) الماء .

ألج باسمك وعيب ان تلج بس ما
اون اعليك يا ماتون عليه

* * *

كان يجلس في احدى مقاهى المسيب وبقره صديق

له خطيبة ، فمرت خطيبته ، فأنشد حسين :

اريد امشي واسويها سنينه
على الي ضحك وارواني سنينه
ثلاثه واربعه سبعة سنينه
بلغ بدروك وانشبي المنيه

* * *

عيت ما تجد للسير بكراي (١)
كريت ولا لحك الظمن بكراي
آنا الي حفرت البير بكراي
طحت وانا المثل مضروب بيه

(١) البعير .

غيسار اللون منك صار وسماي
ودمعي شبه غيث السجب وسماي
وحكك ما قلني الأرض وسماي
امنذكرك بحر صبري يفور بيه

جـدي ما يشت عنك وينزال
وهمي لا تظن يفرج وينزال
ما طول النفس يصعد وينزال
ألج بسمك لما تدنه المنيه

أم الدهر بس الحم وسادي
ابودادك والدمع بلل وسادي
لون تدري اشجره عكبك وسادي
يچان اعملت دم عينك عليه

يمدر التّم يغالي الثمن وابسم
ابصدودك عيب سني ضحك وابسم
دنيف انمزج زادي بصير وبسم
منك يلسار عيت الروح ليه



الفنه ماعاد يطرب لي ولفراح
ولي من دون خلگك الله ولفراح
بگيت اصفج براحتي ولفراح
الوسف شيفيد صمار الصاريه



نار الحجر بالدلال شها
حببي الما اظن بالحور شها
اشزبه واشحلته الترف شها
يتشمع چالبدر لو كل ضيه



دنيفه بس لعد غيري بسمها
يفاعيتها احركت روعي بسمها
يصاحب لا تسميها بسمها
تخرج ساچني وتمم عليه



وحگك ما اغمضت عيني ونامت
علي اهل الحمد توحى ونامت
تراني الناس حي امشي ونامت
لچن ثوب الصبر ساتر عليه



الدهر مثل الرسالة دوم يجره
سطرني وخل دمع العين يجره
اخبرك بالذي موعود يجره
القدر ما يغمم الكاين عليه



سيوف الحجر بالدلال بشت
عليك ادعي الهدن نصفين بشت
اسوي زين طبعي واذب بشت
لون مامش خوي يوافي خويه

لا تربط الجرباء حول صحبحة

خوفي على تلك الصحبحة تجرب

اهو دنك يشيل الثوب يربسه
ودمعي بي صميم الصخر يربسه
لا تربط صحبحة حول يربسه
واخاف يصيبني من الله خطيه

حرت شكتب بخط الوصل واتلاه
عيني ما تنام الليل واتلاه
كضيت اول شباني بقهر واتلاه

اموت ولاهلي يدرون بيه

* * *

دوه خلخال ابو كذيله دوالي

عليل و شمت خديك دوالي

عجب توصف دوه وانت دوالي

ياظالم ما تخاف من الخطية

* * *

على فراگك حبيبي صعب يوعن

الدوارس من ونيني اعليك يوعن

السباع نموت بالغابات يوعن

لحم الطي لچلاب الوطيه


* * *

تراني بنوح يحباني وراكم

عجاج الضعن سد عيني وراكم

ينچرني اللحم بيسكم وراكم

يريت الحلم واليقظه سويه



نديم الروح صد عني ولا چن
انظرت والگلب هايم ولا چن
أحبك مولجل غايه ولا چن
عرفت الحب كرامه شلون بيه



تلوج الروح يا صاحب بهاداي
جفل مضمون خلخاله بهاداي
غمتم الحنچ گال احو بهاداي
فصمت الطوگک وي سوده عليه



حببي مسهر المذال ليلاك
بكثر نوحى ونحيل اعضاي ليلاك
اريد الله يجرمك نوم ليلاك

مثل ما حرمت نومي عليه



انهجم بيت الذي سماك بالنور
مبسم ورد والوجنات بالنور
طلع والم تلاكه النور بالنور
شمس فوگك وشمس برض الوطيه



گلي من الصدى صاير علي من
دنيف وحتى محبوبي علي من
عليمن يا گلب تعتب علي من
يرن الي الي صاروا عليه



وحگك لا فكر عندي ولاراي
ابصدودك ملخت چبدي ولاراي
ما اقبل بلد هندك ولاراي

اقبلك من تمر دالع عليه

* * *

حنيني النيب مسجيني وحن بي
وليلي فراقكم موتى وحن بي
يشامت هاك اخذ دمعي وحن بي
مرامك والتريده صار ييه

* * *

علامك يا دهر بس علي خليت
دليلي وبسواد العين خليت
لون ينصار الي گلبين خليت
لك واحد تعذبه وذاك ليه

* * *

لك طارش رسك بليل عناي
عليك اطربت عيب اطرب عناي
ما أنصفت يوم اجفيت عناي

اشبصرك ياسليم الذات بيه

* * *

تلوج الروح صارت ونيها
سبب چتلي مشيتك ونيها
وحك من زار مکه ونيها
روحي والنسي وروحك سويه

* * *

الك چي بسويد حشاي من دم
من احس چيدني بهواك من دم
الأرض ساويت الك من دمع من دم
للسا دخان من نارك البيه

* * *

سعيد اللي مشى بعقله وشاره
وعلي اهل الحسد نصبت وشاره
الچان الزاد إله حوبه وشاره

بينها بأبو افعال الرديه

* * *

كم منزل في الارض يسكنه الفتى

وحيننه ابدأ لأول منزل

نقل فؤادك حيث شئت من الهوى

ما الحب الا لاجيب الاول

انا لجلك لعند اعداي ما شيت

ولا بچامه لساني اعليك ما شيت

فؤادك نقله بالهوى ما شيت

النفس لوّل جيب تميل هيه

* * *

*

يا من حوى ورد الرياض بخده

وحكى قضيب الخيزران بقده

دع عنك ذا السيف الذي جردته

عينك امضى من مضارب حده

يمن خدك حوه كل ورد بالراض
او حجه ابقدك غضيب البان بالراض
دع سيف التجرده اعلي بالراض
عيونك أمض من سيفك عليه



لو ما اخاف الناس تتحاجه بيه

لصبح ارض لهواي يمشي عليه

ترف من شفت طير الحجر ينعاب (١)

انقطع ظني ودليل احشاي ينعاب

انا والله لو ما علي ينعاب

لصيرن لك ارض تمشي عليه

لنا نفوس لنيل المجد راغبة

وان تسلت اسلناها على الأسل

لا ينزل المجد الا في منازلنا

(١) نعيب العزاب .

كالنوم ليس له مأوى سوى المقل
امن الباري ابحكته اكتاب منزل
عن الحق او ابد هيهات منزل
انجان النوم شاف المقل منزل
منازلنا محل المجد هيه
* *

زارني ممرض فلم ير مني فوق فرش السقام شيئاً يراه
قال لي ابن انت قلت التمني فبكي حين لم يجد من يراه
يناهي نار شوگك وتممني
اهديني ابشوف حبي وتممني
بچه من مد يمينه والتممني
جسد ما وجد بس النفس بيه
* * *

اذا المرء لم يدنس من اللؤم عرضه فكل رداه يرتديه جميل
توسع جرح گلي وزاد عرضه

صرت لسهام اخس الناس عرضه
الرجل لو مادنس بالاسوم عرضه
جميل اشما ترده او ما تزيه

* * *

كتبت كتاباً لو اكن متمكناً

لبعثت عيني في الكتاب تراكم

خطيت اولاً منعت الجدم بالخط
شجاني او حملت الروح بالخط (١)
لون عندي يصح تمكين بالخط
لذ عيني تشوف الي حيه

* * *

ها انا اهو الك على ما ارى من قلة الود وبعد الزار
كم جرت بالحكم على عاشق اكل من قدولي الحكم جار
حكم سيفك الغدار حكمه

(١) الخطيئة .

ابگلي وما بگت للصبر حكمة
كل اللي توله جار حكمة
انا عاشك او حكمك جار ييه

* *
* *

كيف الوثوق بذمة من صاحب

وبكل قلب نقطة سوداء
فانفض يديك من الزمان وأهله

السمي من طلب الصديق هباء

اجفف دمع عيني عصب وهله

رياء المرجبه امن الناس وهله

انفض چفك امن الزمن وهله

ولاتطلب صديق من البريه

قابلت وجهك السماء فأبدت

صورة البدر من مناك انعكاسا

نهاني اليسم عنك وابد منه (١)
وودك مثل روجي وابد منه (٢)
السمه كابلت وجهك وابد منه
البدر من ضي سناك انعكس ضيه



مالنا عنك سلوة واصطبار

ولمفناك في القلوب قرار

وسواء منك الجفا والمزار اينما كنت فالحشاك دار

ندي الحب يبس مادر ولك دار

محبتك زالت اهمومي ولك دار

إلك عرش انتصب يسمر ولك دار

ابگلبي اولاً لغيرك سكن هيه

فقدت ضمونا في دجى الليل حموا

وراحوا ولم اعرف لهن مقاما

(١) لم يفته (٢) أعز من روجي .

فلا القلب يسلاهم ولا النار تنطفي

ولا العين تهوى بالبعاد مناما

فكدت اضعونهم واصفج بياداي

حلات وين ما ادري بياداي (١)

العكب هيات يسلاهم بياداي

ولا عيني تلذ النوم هيه

* *

اسقني كأساً وخذ كأساً اليك

فلذيذ العيش ان نشتركا

يحلو الطول والمبسم ولي عود

خطه منك تصل غيري ولي عود

اخذ كاس المدام اول ولي عود

لذيذ العيش نتشارك سويه

* *

(١) البيداء .

لو كان لي قلبان عشت بواحد

وتركت آخر في هواك معذبا

علامك نارك ابجدي تجدها

او عن اضعون هجرانك تجدها

لون تجسم چلوة الحب تجدها

ثلك هل الهوى او حثلين ليه

* *

*

ذلولي هام بالبيده فتاها (١)

عليك اويا شرع چتلي فتاها (٢)

زليخا آنه صرت وانت فتاها

او صرت يضرب مثل بچفوف ايديه

*

* *

بعد او ياي ما يصدگ وعدلك

چشير اظهر امن اعيوبك وعدلك

(١) تاه : ضل الطريق (٢) الفتوى .

ابمجد الكعب لو حطك وعدلك
سنه او تطلع الحنيه ذيج هيه

* *

*

وحياتك ما هجمت ابليل ونهار
أزجره السلامي بهواك ونهار
تقبر من اعيوني عيون ونهار
غطه روس العوالي او شطرميه

* * *

تشمع نور خده ابليل وشراگ
يعن ذچره علي با لمای وشراگ
ضربني اما ابلب احشاي وشراگ
الکلب طارن لمد هام الثريه

* * *

وهن عظمي من اجفاني وليفای
وهن سهمه زرف چيدي وليفای

وهن روحي اليمز شخصي وليفاني
وهن بيه العذول او خان بيه

* * *

راح المفرح اگليسي ونيسه
اولفاني المعرفة طبعه ونيسه
اظل اكره دهر بذنه ونيسه (١)
امن انشده ايگول چاشنهي القضييه

* * *

اهمومي ابوسط گلي دوم يفلان
اييض شعري امن اشوف البيض يفلان
ردت عزة نفس والگدر يفلان
وگم گدرک سبب نفسک دنيه

* * *

(١) النسيان .

أقوال الصحف والمجلات في .

ديوان حسين الكربولائي

نشرت جريدة (البلد) البغدادية بمددها المرقم ٤٤
الصادر بتاريخ ٢١ تشرين الاول ١٩٦٣ الكلمة التالية :
« اصدر الاستاذ سلمان هادي الطعمة مجموعة من شعر
الشاعر الشعبي حسين الكربولائي وهي تضم طائفة من الشعر
الشعبي الموفق الذي نضمه الشاعر في اغراض مختلفة واجاد
فيها كل اجادة فخر جوهها الرواج الذي يستحق وللستاذ
سلمان هادي طعمة الشكر على اهتمامه بأدبنا الشعبي وابرار
نماذج لامعة منه الى عالم الفخر . »



ونشرت مجلة (التراث الشعبي) بمددها الثالث المؤرخ
تشرين الثاني ١٩٦٣ الكلمة التالية .
« تعد منطقة الفرات الأوسط منبع الأدب الشعبي

العراقي ، حيث نبغ فيها معظم الشعراء الشعبيين وولدت فيها أكثر الفنون الشعرية الشعبية . ولقد تناول الاستاذ سلمان الطعمة بالدراسة احد هؤلاء الشعراء (حسين الكربلائي) وللمؤلف اكرامة حميده ختم بها كتابه وذلك بنشر ديوان الشاعر حيث قام بجمعه وتحقيقه . « .


ونشرت مجلة (الأخاه) الطهرانية بمددها المرقم ٤٥ من السنة الرابعة الصادر في تشرين الثاني ١٩٦٣ التعريف التالي كتب في ٦٦ صفحة من القطع الصغير جمع بين دفتيه اشعاراً بالعامية وطائفة من الشعر الفصيح . وقد صدره الاستاذ سلمان هادي الطعمة في دراسة عن الأدب الشعبي وشعر الكربلائي .


أما أشعار الديوان فقوامها حوار بين الشاعر وحيثته سلمى ، وتشمل كذلك اغراضاً من الشعر اخرى .




ونشرت مجلة (المناهل) البغدادية بتاريخ ٢٧

كانون الأول ١٩٦٣ تعريفاً بالكتاب ، وهذا نصه :
« ديوان حسين الكربولائي : الطبعة الثانية ، بحجم
كتب الجيب في ٦٦ صفحة بما فيها العنوان والأهداء
والخاتمة ، مطبعة الآداب سنة ١٩٦٣ ، جمع وتحقيق
السيد سلمان هادي الطعمة ، وقد نعت صاحب الديوان
بـ « نابغة الأدب الشعبي » ، حوى قلائد نظيمه من
الأبوذيات ، ودراسة لأبأس بها للشاعر ، كما حوى شيئاً
من شعره الفصيح ، وهو عمل يشكر عليه الاستاذ سلمان ،
اذ لا يخلو من نفع وخدمة للأدب الشعبي . » .







انتظروا
الجزء الثالث
من هذا الديوان

LIBRARY
OF
PRINCETON UNIVERSITY

Princeton University Library



32101 074067453

(NEC)
PJ7842
.A6939
A6
1959
vol.2